



# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Q. 77. Quis præferri debeat, si debita sint contracta, quando erat  
impotentia solvendi.

**urn:nbn:de:hbz:466:1-42561**

380 Q. 77. *Quis preferri debeat, si debita sint contracta, quando erat impotentia solvendi.* R<sup>e</sup>. §. 1. Supponenda sunt aliqua, 1. Est injuria, si quis supra vires suorum bonorum gerat statum, ut in sinuatum est n. 17., qui enim bona ita obligata, ut vires eorum adaequentur, ulterius obligat, facit in praetudicium priorum creditorum: idem est, si tum, quando est impotens omnibus solvere, bona sua uni certo è creditoribus obliget, uti recte *Lef. in auct. v. Mutuum, cas. 5. & Lugo d. 20. n. 106.* Si tamen non posset juxta suum statum absque magno dedecore abstinere à talibus sumptibus aut etiam à donationibus gratuitis, *Lugo* dicit licet ab hoc fieri & ab aliis acceptari: quod si acceptatio non esset necessaria ad salvandum honorem, sed satè esset obtulisse; item si quis ab eo petisset & positâ petitione debitor non posset non donare, putat *Lugo* n. 134, talem acceptantem vel petentem non esse injustum contra creditores, nec teneri restituere, nam creditores in tantum habent jus contra illos, in quantum habent jus contra debitorem, & ideo contra acceptantem aut petentem, ne illum à solutione impedian, sed positâ illâ conditio ne & in illis circumstantiis creditores non habent jus contra debitorem, ne ita expendat, ergo nec contra acceptantem vel petentem, hi enim utuntur jure suo & ponunt casum, in quo debitor non tenetur solvere suis creditoribus; Oppositorum videtur probabilius, quia creditores habent jus, ne ponatur talis conditio vel circumstantia, per quam debitor reddatur impotens solvere, hoc autem facit talis acceptans vel petens: unde multò magis est injuria etiam contra

tra creditores, si debitorem per ruborem vel irrisiōnem cogas ad donandum tibi, aut ad sumptus faciendos, quia hoc non faciet liberē sed coactē.

2. Si Caius conscius suæ impotentiæ bona sua 381  
necdum obligata obliget vel extradat Titio etiam conscio illius impotentiæ, docent Sot. & alii Cajum & Titium peccare contra iustitiam, & contractum illum esse invalidum, nec transferri dominium: *Caiet. Mol. & Lugo n. 112.* dicunt contractum quidem esse validum & dominium transferri, uti si rem Petro venditam & nondum traditam venderet & traderet Paulo; Titius tamen tenebitur ad restitutionem & ad resarcienda creditoribus damna, si Caium incitarit ad talēm contractum iniustum; si autem ad id non incitarit, secundūm *Mol. & Less.* non tenetur de jure naturæ, quia tantūm usus est peccato alterius ad suum commodum, uti mutuans utitur peccato usurarii; imò putat *Mol.* non peccare contra charitatem, Lugo autem, quamvis agnoscat sententiam *Mol.* esse probabilem, tamen putat cum communī probabilius esse, quod Titius peccarit contra iustitiam & teneatur ad restitutionem, quamvis Caium non induxit ad dandum vel contrahendum, quia determinatè cooperatur iniusto impedimentoo, quo Caius reddit solutionem sibi impossibilem, unde damnum creditorum æquè sequitur, atque si induceret, ergo est injustus, non aliter atque ille, qui furi applicat scalas, aut juvat volentem comburere segetes alienas.

3. Si Caius impotens solvere, jam antecedenter statuisset non solvere, putat *Less.* eum, qui novam 382

novam ab eo admittit obligationem, non tene-  
ri restituere, quamvis incitasset ad contractum,  
dummodo retinuerit voluntatem restituendi, si  
Caius mutata voluntate vellet solvere, sed Lugo  
n. 118. iterum contradicit, quia sic incitans re  
ipsa in effectu complet damnificationem, que  
tantum erat in affectu Caji statuentis non solve-  
re; admittit tamen Lugo cum Lessio Titium in-  
citantem tum non teneri, si impotentia illa non  
esset causa defraudationis creditorum, uti v. g.  
si Caius laborando facilè posset lucrari, quo sol-  
veret, tum enim, si non solvat, non est ideo, quia  
alienavit sua, sed quia est negligens, imò de tali  
potius dicendum est, quod non sit in impotentia  
solvendi, uti recte Lugo.

383

4. Quidquid sit de iure naturæ, tamen de iure  
positivo, si alienatio est facta in fraudem credi-  
torum, datur actio creditoribus solum intra  
annum à notitia facti, quâ actione contractus  
rescinditur, debetque res restitui debitori, et  
iam non restituto pretio, nisi quatenus exstat,  
vel debitor ex illo factus est ditior: si tamen res  
transiisset ad tertium possessorem bonæ fidei,  
contra hunc non datur actio, sed contra prior-  
rem, sicuti contra eum daretur actio, quamvis  
consumpsisset.

384

5. Qui potest habere, unde solvat, & repu-  
diat acceptare, est iniustus, uti dicetur n. 428.  
Quod si talis debitor iniuste repudiasset, v. g. ha-  
reditatem, quâ admissâ solvere potuisset, succe-  
dens in hereditate illa, si induxit ad repu-  
diandum, tenebitur restituere creditoribus ve-  
luti iniustus cooperator: si autem non est coope-  
ratus, ad nihil tenetur ex iustitia, quia positâ re-  
pudia-

pudiatione utitur iure suo , ita *Sanch.* de Matr. l. 6. d. 4. n. 9. *Lugo* n. 138., addens n. 139. teneri ex charitate ad impediendam repudiationem, antequam fiat, quia per eam peccat debitor & nocet creditoribus. His suppositis.

§. 2. Si Titius contraxit cum Caio , quando 385  
*Caius* erat potens , etiamsi postea ante traditionem fieret impotens , poterit Titius rem, de qua fuerat contractum, ab eo accipere , sicut alii creditores , servato tamen ordine creditorum & proportione quoad solutionem : è contrà si tempore contractū *Caius* erat impotens , sed tempore , quo solvit rem , sit potens ; aut si tempore , quo contraxit , & rem tradit , fuit impotens , sed tempore intermedio fuit potens , peccat quidem *Caius* sic contrahendo cum cognitione impotentiae , postea tamen non peccat Titius accipiens rem , nec tenetur restituere , quia quando aderat potentia , justificabatur contractus , ita *Vasq.* *Lugo* n. 120.

§. 3. Secundām *Vasq.* , illa debita , non tantum de præsenti , sed etiam postea , ante alia solvi possunt , etiam cum præiudicio priorum creditorum , etiam hypothecatorum & privilegiatorum , quæ sunt facta in tali necessitate , ob quam licet poterat differri vel omitti restitutio aut solutio aliorum debitorum : Sed *Lugo* n. 122. fusè contradicit , alioquin quisquis alicui supra potentiam gravato mutuasset aut vendidisset necessaria ad vitam & statum , deberet omnibus præferri , & qui ultimus esset , deberet præferri omnibus prioribus , quod est contra praxin , & in nullo foro admittetur : de præsenti autem solvi possunt , quia debitor potest se tum præferre credito-

ditoribus ad occurrentum ei necessitati , si autem de præsenti non solverit , postea non habet jus præferendi hunc creditorem aliis : Vide dicenda n. 407.

**387** §. 4. Uxor, filii & famuli necessarii possunt vivere & de præsenti solutionem acceptare ex bonis domini non potentis solvere creditoribus, quia dominus debet illis alimenta , nec aliter subsistere potest, unde creditores essent irrationabiliter inviti quoad dilatationem solutionis. Addit Laym. I. 3. t. 2. c. 11. n. 3. & 7. item 74. n. 217. mercedes operariorum ad necessarios usus conductorum præferri etiam hypothecatis debitibus , quia debita ejusmodi mercedum contrahuntur , non in fraudem , sed ad utilitatem creditorum , ut debitor fiat potens solvere , & aliquin nemo talibus debitoribus ære alieno gravatis serviret : hinc cum communi dicunt etiam rectè præferri solutionem rei emptæ , si debitor non ideo reddatur magis impotens, quia restitutio fieri poterit ex re empta vel ex utilitate majori, quæ debitori inde accesserit.

**388** Q. 78. *Quid notandum sit circa debita hypothecata vel privilegiata.* R. Si quoad utraque consultatur Theologus vel Confessarius , non resolvat ex tempore , sed potius remittat ad Juristas , aut consulat Auctores, nam plurima hic pendent à jure positivo & legibus particularibus vel consuetudine certorum locorum ; universaliter tamen notari possunt sequentia :

§. 1. Hypotheca dicitur , quando debitor non solum suam personam , sed etiam rem aliquam suam immobilem obligat pro debito, (si enim exponat mobilem , vocatur pignus) & tum